

Tema per la taglia e tensiuns tranter stadi e baselgia

Tractà dumondas finanzialas, giuridicas ed editoricas en il Corpus Catholicum

■ (anr/gc) Igl è usità ch'ina nova periòda d'uffizi dal Corpus Catholicum vegn averta tras il parsura da la cummissiun administrativa. Sut l'egida da Placi Berther è il nov president dal parlament da la baselgia catolica chantunala, Luca Tenchio, vegnì elegì mesemna en la sala dal cussegl grond a Cuira. El ha surpiglià immediat il timun e manà bain la radunanza. L'emprim èn las tshernas dals organs dal Corpus Catholicum per il proxim bienni succedidas (guarda fanestra). Rapport annual, quint e preventiv èn passads senza objecziuns.

Cunter abolir taglia da cultus per interpresas

Ils 9 da favrer 2014 ha il suveran grischun da votar davart l'iniziativa dals giuvens liberals che vulan abolir la taglia da baselgia per persunas giuridicas (interpresas). Quai fatschenta daditg fitg il Corpus Catholicum – tenor il parsura da la cummissiun administrativa. El ha rendì attent a las nauschas consequenzas sche l'iniziativa vegniss acceptada. La baselgia catolica chantunala vegniss privada da 90 pertschient da sias entradas (l'onn passà ha quella taglia purtà ad ella 4,2 milliuns).

Ins haja gia fatg gronds sforzs per sensibilisar encunter quella iniziativa, era cun in vast argumentari. Tant la regenza sco il cussegl grond han ditg na a l'iniziativa, la legislativa chantunala cun 110:5 vuschs. Ma i saja anc da far gronds sforzs per infurmar la publicità. Senza quels daners fiss la baselgia catolica chantunala periclitada en sia existenza, nunpudend finanzia sias incaricas ed instituziuns. El appellescha perquai instantamain da refusar l'iniziativa.

Refusà tuttas propostas da l'ordinariat

Ina cummissiun d'experts da la Conferenza episcopala svizra ha elavurà in «Vademecum» pertutgant la collavuraziun



Dus presidents en il Corpus Catholicum: Luca Tenchio (parlament) e Placi Berther (executiva) (da san.). FOTO G. CAPAUL

tranter la baselgia catolica e las baselgias catolicas chantunalas. I vegn proponì co il sistem tranter baselgia e las corporaziuns catolicas chantunalas pudess vegnir reformà. Las organizaziuns dal dretg ecclesiastic statalas han be caracter auxiliari ed han da sa drizzar tenor ils basegns e las directivas da la baselgia.

L'ordinariat aveva fatg trais propostas al Corpus Catholicum: Acceptar la necessitad da reformar, nominar ina cummissiun co quella reforma pudess succeder tenor «Vademecum» e discutir questa tematica tar la radunanza dal Corpus Catholicum da quest onn.

Per la cummissiun administrativa cuntegna il «Vademecum» dal mars passà be directivas co deliberar quella tematica. La cummissiun administrativa saja vegnida orientada pir l'avust. Ins n'ha pia betg gì temp avunda da tractar las propostas da l'ordinariat. Perquai ha la cummissiun proponì da bain entrar sin da dumonda

d'ina reforma, dentant da refusar las trais propostas concretas, fatgas da l'ordinariat. Quai è era succedì cun clerias maioritads.

Per in Fegl parochial chantunal

Per realisar in Fegl parochial chantunal en noss chantun è vegnì prestà gronda lavur tras il Cussegl pastoral chantunal, ina cummissiun preparativa dal Corpus Catholicum ed era da quel. Ins è da l'opiniun ch'il basegn per in tal forum d'infurmaziun per la baselgia e las pleivs saja dà.

Cun 44:14 vuschs e 19 abstenziuns è vegnì decidì da dar ina giada 50 000 francs per ch'il project possa vegnir sviluppà enavant. Da tshertgar è in'uniun-purtadra e la redacziun. Per pudair realisar quel fegl è anc vegnida acceptada ina contribuziun annuala tras il Corpus Catholicum da 150 000 francs. L'ordinariat ha ditg da pudair dar na-

gut. E tar las plaivs basegnia igl anc blera lavur d'infurmaziun – era tras ina nova cummissiun – per pudair persvader da

sa participar ed abbonar. Provisoriain possian ins quintar cun 17 000 abbonents.

I dovrà er en noss dis claustras

L'avat da la claustra da Mustér, msgr. *Vigeli Monn*, ha introducì ses referat davart las claustras oz cun dilucidar la situaziun actuala da la baselgia. Malgrà che quella n'è betg simpla hajan claustras er en noss dis – e per l'avegnir – muntada. Ils claustrals vivan lur vocaziun en gronda fidaivladad visavi la tradiziun, dattan in segn profetic e vulan esser perditgas crediblas per la preschientscha da Dieu en il mund dad oz.

2014 possia la claustra da Mustér festivar ils 1400 onns da sia existenza. Quai succedia cun engraziar, sperar e cuntinuar tenor il motto «Stabilitas in progressu» – pia stabilitad progredenta. E tuttina: L'avat na taschenta betg che la claustra haja grevs quitads pervi da la scola (memia paucs scolars e ch'ella gjavischass dapli sustegn per quella dal chantun). L'auter onn vegnia il plaz avant la claustra costruì ed alur entschavi cun la renovaziun da la baselgia claustrala che custia blers milliuns.

Ils organs dal Corpus Catholicum (2013-2015)

Presidi:

Luca Tenchio, Cuira, president; Urs Gaugg, Vaz-sut, vice; Maria Bühler, Domat, actuaera.

Cummissiun administrativa:

Placi Berther, Sedrun, president; commembers: Conrad Battaglia, Salouf; Martin Righetti, Cama, e Maria Schnider-Nay, Tusaun. Ella è elegida da nov. Per quest post vacant èn trais candidats stads a disposiziun.

Cummissiun da gestiun:

Robert Kurz, Cuira, president; Erno Menghini, Grono, vice, ed ils commembers Daniel Blumenthal, Vella; Sonja Gadola-Nay, Pignia; Livio Zanetti, Eigias/Landquart (tuts confermads). Novs substituents: Martin Suenderhauf, Cuira; Gabriela Tomaschett-Berther, Trun.

Cummissiun da recurs:

Peder Cathomen, Mon, president, commembers: Ilario Bondolfi, Cuira; Philip Caduff, Glion; Carlo Portner, Haldenstein (tuts fin qua) e da nov: Brigitte Hitz-Rusch, Curvalda. Suppleants èn vinavant: Reto Löpfle, Razén e Luca Tenchio, Cuira.

Cummissiun da religiuin:

Càcilia Weber-Tomaselli, Cuira, presidenta, ed ils commembers: vicari episcopal Christoph Cassetti, Cuira; plevon Dominic Bolt, Puntraschigna; Marita Bürkli-Buchli, Laax; Paolo Cappelli, Eigias/Landquart; Vitus Dermont, Laax; Christoph Jakob, Cuira; Rosmarie Kurath-Beeler, Tusaun ed Erno Menghini, Grono (tuts fin ussa).